

## SCRIPT OF MORNING GOJRI NEWS BULLETIN 25FEB 2026 1015HRS

مارننگ گوجری نیوز بولٹن 25 فروری 2026

\*\*\*\*\*

یوہ آکاشوانی جموں بے محمد اکرم تین خبر سَنو۔

\*\*\*\*\*

### SRINAGAR AIRPORT

حکومت غی اقتصادی امور غی کمیٹی نے وزیر اعظم نریندر مودی غی قیادت مانہ سرینگر ہوائی اڈہ ور ٹرمینل بنان غی اجازت دے دتی ہے۔ اس منصوبہ ور تقریباً 1677 کروڑ روپیہ خرچ کیا جین گا۔ مرکزی وزیر اشونی ویشنو نے دسیو کہ 71500 مربع میٹر ور مشتمل یوہ نوو ٹرمینل رش غا وقت مانہ 2900 مسافران تے سالانہ ایک کروڑ مسافران ناہ سہولت فراہم کرے غو۔ اس غے نال طیاران غی پارکنگ غی سہولت وی بدھائی جے غی۔ جموں کشمیر غا لیفٹیننٹ گورنر منوج سنہا نے اس منظوری ور وزیر اعظم غو شکریو ادا کرتا وان کہیو کہ نوو سیول انکلیو، رابطہ ناہ بناوے غو تے وادی مانہ سیاحت، سرمایہ کاری تے روزگار غا مواقع مانہ وی اضافہ کرے غو۔ انہاں نے مزید کہیو کہ جموں ہوائی اڈہ گو نوو ٹرمینل وی اس سال غا آخر توڑی مکمل ہو جے غو جس تین خطہ مانہ ہوائی رابطہ تے معاشی ترقی ناہ مزید فروغ لبے غو۔ دوجی جانب وزیر اعلیٰ عمر عبداللہ، نے وی سرینگر ہوائی اڈہ غی توسیع غی منظوری ور وزیر اعظم غو شکریو ادا کیو تے کہیو کہ اس تین جموں کشمیر غی معیشت ناہ مچ فائدو وے غو۔

\*\*\*\*\*

### VP JK VISIT

اج تین جموں کشمیر غا دو روزہ ور سی۔ پی۔ راہا کرشنن آرہیا ہیں۔ اپنا پہلا دورہ غے دوران، وہ پلک ناہ، سرینگر مانہ کشمیر ریونیورسٹی غی کنونشن تقریب مانہ بطور مہمان خصوصی شرکت کریں گا۔ اس موقع ور وادی پھر مانہ سخت حفاظتی انتظامات کیا گیا ہیں۔ حفاظتی دستاں نے حساس علاقان مانہ چیکنگ تے نگرانی بدھا دتی ہے۔ تے اہم داخلی مقامات ور اضافی ناہ قائم کیا گیا ہیں، جد کہ گشت، علاقہ غی نگرانی تے اچانک تلاشی لین غی کارروائی کی جارئی ہے، تانجے کسی وی قسم غا ناخوشگوار، واقع تین بچیو جاسکے۔

\*\*\*\*\*

### KATHUA PROP ATTACH

جموں کشمیر پولیس نے منگلاریں کٹھوعہ ضلع غا بلاور علاقہ گا بٹوڈی مانہ پاکستان مانہ مقیم دہشت گرد بینڈلر سوار دین عرف سوار و غی زمین غو پلاٹ ضبط کیو بے پولیس گا ایک ترجمان نے دسیو بے کہ لوہانی ملہار گا تھوڈی گران مانہ ربن الا سوار دین کافی عرصہ پہلاں سرحد غا اُس پاسے چلے گیو تھو تے تد توں ہی وہ اتوں ملک غی سلامتی تے خود مختاری غے خلاف سرگرمیان مانہ ملوٹ بے سوار دین ناہ اشتہاری قرار دتو گیو بے تے عدالت غی طرفوں ہدایت تین بعد پولیس نے 7 اشاریہ 5 مرلہ جائیداد ناہ ضبط کرلیو بے پولیس نے کہیو

ہے کہ اس کاروائی کو مقصد دہشت گرد تنظیموں کا مالی تے امدادی نیٹ ورک  
نانہ ختم کرنو ہے۔

\*\*\*\*\*

## KKG SUMMIT

جموں کشمیر کا کسان خدمت گھر ایکو سسٹم نانہ ممبئی مانہ مہاراشٹرہ غی  
حکومت غی میزبانی مانہ منعقدہ 2026 اجلاس مانہ نمایاں تعریف حاصل ہونی ہے  
جموں کشمیر غا مجموعی زراعت ترقیات پروگرام کا مشن ڈائریکٹر سنڈیپ کمار  
نے بطور پینل لیسٹ شرکت کی تے دسیو کہ جموں کشمیر نے مصنوعی ذہانت  
نانہ ایک علیحدہ پائلٹ منصوبہ کا طور ور چلان غے بجائے اس نانہ باقاعدہ  
عوامی خدمات کا نظام مانہ کس راہ شامل کیو ہے انہاں نے اس گل ور لو کہلی  
کہ کس طرح ڈیجیٹل آلات نانہ زمینی سطح ور موجود امدادی مرکز غے نال  
مربوط کیو کیو ہے تانجے جموں کشمیر کا کساناں کی امداد ہوسکے، شرکاء نے  
یحکیک مہارت سازی تے عملی سہولیات غی تعریف کی تے اس نانہ زرعی ترقی  
واسطے ایک عملی تے قابل توسیع ماڈل قرار دتو۔

\*\*\*\*\*

## VIKSIT VILLAGES

جموں کشمیر مانہ حکومت مجوزہ وکست وسیع اقدام غے تحت 90 دیہات نانہ ماڈل  
ترقیاتی مراکز مانہ تبدیل کرے غی۔ دیہی ترقی تے پنچائتی راج کا سیکرٹری  
محمد اعجاز اسد نے جموں مانہ ڈرافٹ منصوبہ رپوٹ گو جانیزو لیو 2026-27  
کپٹل بجٹ غے تحت ہر گراں واسطے 2 کروڑ روپیہ مختص کیا گیا ہیں تے اس  
منصوبہ مانہ جامع ترقی در توجہ دتی گئی ہے جس مانہ اسمارٹ لائبریریاں  
شمسی توانائی کھیڈ میدان تے کچرہ غا انتظام گو نظام شامل ہے یوہ قدم وکست  
بھارت 2047 کا نظریہ نال جوڑے تے دیہات کا انتخاب کا عمل مارچ توڑی مکمل  
کرغے منصوبہ نانہ دو سال مانہ مرحلہ وار نافز کیو جے غو۔

\*\*\*\*\*

## RANJI TROPHY

رانجی ٹرافی غا فائنل مانہ جموں کشمیر کرکٹ ٹیم، غے خلاف کرناٹکا ٹیم، نے  
پہلے تہاڑے، اپنی مضبوط پوزیشن بنالی ہے۔ دن غا اخیر ور، جموں کشمیر غو  
سکور 2 وکٹاں غا نقصان ور 284 ریبو۔ سبھم پنڈیر، نے شانداد بلے بازی کرتا  
واں، ناقابل شکست 117 سکور بنایا۔ انہاں نے بہت صبر، تے اعتماد غے نال اپنا  
کھیڈ غو مظاہرو کیو۔ یاور حسین، نے وی عمدہ کارکردگی دستاواں 88 سکور  
بنایا۔ عبدالصمد، نے جارحانہ انداز مانہ بیٹنگ کی، تے 52 سور بنایا، تے  
ناٹ آؤٹ ریبیا۔ مضبوط آغاز تیں بعد جموں کشمیر غی ٹیم، اج دوجے تہاڑے اپنی  
برتری مزید بدھان غی کوشش کرے غی۔ مقابلو اس ویلے جاری ہے۔ یاہ سکور  
غی جانکاری، آخری ملی اطلاع غے مطابق ہے۔

\*\*\*\*\*

## WEATHER

محکمہ موسمیات غے مطابق، فروری غا آخر توڑی علاقہ مانہ موسم خشک رے  
غو۔ ماہرین غے مطابق، اگلا ترے تے چار دنان مانہ، زیادہ تر علاقان مانہ،  
کھٹ تیں کھٹ 1 تے زیادہ تیں زیادہ 2 ڈگری سلسیش توڑی اضافو ہو سکے۔